

ՀԱՅ ԺՈՂՈՎՈՒՐԴԸ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ՏԱՐԻՆԵՐԻՆ

Պատմ. գիտ. դոկտոր Խ. Հ. ԲԱՐՍԵՂՅԱՆ

I

Աղատաբաղձ ժողովուրդները տասնամյակների հեռավորությունից սիրով ու ակնածանքով են հիշում 1945-ի մայիսի 9-ը՝ մեծ հաղթանակի օրը, երբ արևմուտքում լռեց վերջին համադարձը, խլացավ վերջին արկի պայթյունը և Ռախստագի վրա ծփաց մեծ հաղթանակի դրոշմը։ Այդ անմահ սխրանքը երբեք չի խամոթի։

Սովետական մարդիկ սրբությամբ են հարդում բոլոր նրանց հիշատակը, ովքեր դոհվեցին մեր հայրենիքի ազատության ու անկախության համար մղած մարտերում՝ հանուն քաղաքակրթության փրկության։ Պատշաճն է տրվում մեծ Հայրենականի մասնակիցներին՝ վետերաններին, որոնք հաղթականորեն վերադարձան և լծվեցին խաղաղ, ստեղծագործ աշխատանքի, հզորացրին մեր մեծ հայրենիքը։ Անհուն երախտագիտությամբ ու հպարտությամբ ենք հիշում կենաց ու մահու քառամյա դաժան պատերազմի հոր ու բոցեռի միջով անցած այն բոլոր ռազմիկներին, որոնք իրենց անօրինակ սխրանքներով, լեգենդար արիության հորհրդանշեցին սովետական բազմազգ ժողովրդի բարոյական ու մարտական վսեմ ոգին, սովետական հայրենասիրության և սոցիալիստական ինտերնացիոնալիզմի հզոր ու անսասան ուժը։

Այսօր, ինչպես և երեկ, բովանդակ մարդկության ճակատագրի համար իրենց աշխատանքները պահպանել են սլառական մեծ ճակատամարտերի հանրագումարներն ու դասերը։ Պատմության դասերը չեն մոռացվում։ Մեծ Հայրենականը և՛ պատմություն է, և՛ արդիականություն։ Պատմություն է, քանի որ այն մեր մարտական-հերոսական կենսագրությունն է, մեր փառավոր անցյալը։ արդիականություն է, քանի որ նրա անանց դասերը օգնում են մեզ ամրապնդելու մեր հայրենիքի ռազմատնտեսական, քաղաքական և միջազգային դիրքերը, պայքարելու պատերազմի դեմ՝ հանուն խաղաղության։ «Դիմելով անցած սլառական իրադարձություններին, — Թորգաուի հանդիպման մասնակիցներին ուղարկած ուղերձում գրել է ՍՄԿԿ Կենտկոմի գլխավոր քարտուղար Մ. Ս. Գորբաչովը, — մենք խորհում ենք ներկայի մասին և, իհարկե, մտածում ապագայի մասին՝ արդարացի և կայուն խաղաղության, միջուկային սպառնալիքից ժողովուրդներին փրկելու մասին» («Սովետական Հայաստան», 25 ապրիլի 1985 թ.)։

Երբ 1941 թ. հունիսի 22-ին հիտլերյան Գերմանիան ուխտադրժորեն հարձակվեց ՍՍՀՄ-ի վրա, սովետական բազմազգ ժողովուրդները մեկ մարդու նման պայքարի ելան ընդդեմ ֆաշիզմի։ Պատերազմի առաջին իսկ օրից հալ ժողովուրդը, Սովետական Հայաստանի աշխատավորները հաստատապես իրենց մարտական տեղը գրավեցին մեր հայրենիքի ազատության և անկախության համար ՍՍՀՄ-ի բոլոր ժողովուրդների մղած ընդհանուր պայքարում։

Գոտեմարտը ծանր էր։ Սև ծովից մինչև Սպիտակ ծովը ձգվող վիթխարի ռազմաճակատը օր ու գիշեր շնչում էր վառոդի ու արյան շնչով։ Ֆաշիստական Գերմանիան միանգամից ՍՍՀՄ-ի դեմ էր հանել 190 դիվիզիա, հինգ և կես միլիոն զինամթառ ուժ, 4300 տանկ, 47,2 հազար հրանոթ, ականանետներ, 4980 մարտական ինքնաթիռ։ Ռազմաճակատում այդ ժամանակ թշնամին 3—4 անգամ գերազանցում էր մեր ուժերին։ Ֆաշիստական դարչնագույն հեղեղը առաջ

էր սողում՝ հրի ու սրի մատնելով սովետական քաղաքներն ու գյուղերը, եղան օրհասական պահեր, երբ թշնամին բախեց Մոսկվայի դարպասները, օդակեց լենինգրադը, սպառնաց խուժել հեղափոխության սրբազան օրրանը, երբ հասնելով Վոլգային՝ Ստալինգրադին, փորձեց ոստնել և քայլել դեպի Ուրալ, մտնել Անդրկովկաս։ Բայց թշնամին հաշվի չէր առել սովետական ժողովրդի բարոյական վիթխարի ուժը, նրան անհայտ էր այն զորությունը, որ կա սովետական հայրենասիրության և ՍՍՀՄ ժողովուրդների բարեկամության խորունկ ծալքերում։

Պատերազմի առաջին իսկ օրից մինչև նրա հաղթական ավարտը Սովետական Հայաստանը մարտնչում էր թշնամու դեմ։ Հայ դիմվորը իր բազմազգ եղբայրների, ավագ եղբոր՝ ռուս քաջարի զինվորի հետ միասին ոտքի ելավ պաշտպանելու երկիր Հայրենին։ Հայ ժողովուրդը լավ գիտեր, թե ինչ է բերում իր հետ դաժան պատերազմը։ Նրա սրտում դեռ թարմ էր առաջին համաշխարհային պատերազմի ծանր վերքը, որ բացվել էր իր մեկուկես միլիոն զավակների եղեռնական կորստով։ Հայ ժողովուրդը գիտեր, որ այդ նույն գերմանական իմպերիալիզմի դիվանագիտական տմարդի խաղերով ու նրա անմիջական մասնակցությամբ էր նյութվել XX դարի առաջին մեծ ցեղասպանությունը, գիտեր, որ Ֆաշիզմը գալիս է խլելու այն ամենը, ինչ պարզեցել էր իրեն մեծ Հոկտեմբերը, այն ամենը, ինչ տվել էր կոմունիստական կուսակցության լենինյան ազգային իմաստուն քաղաքականությունը։ Հայաստանցին, ինչպես միշտ, իր նվիրակուն հանոպետության սահմանը համարում էր ոչ միայն Արաքսը, այլև բոլոր այն վայրերը, որտեղով անցնում են Սովետական Միության սահմանագիծը։ Սովետական Հայաստանի աշխատավորները, ՍՍՀՄ ժողովուրդները հետ միասին, պատերազմի ելան՝ «Ամեն ինչ ռազմաճակատի համար, ամեն ինչ՝ հաղթանակի համար» նշանաբանով։ Հայ ժողովրդի զավակները ամենուրեք էին՝ ցամաքում, ծովում, օդում, այնտեղ, ուր Հայրենիքը իր որդիների կամքի, համառության և խիզախության, տաղանդի ու գիտելիքների պահանջն էր զգում։ Հայ ռազմիկներն իրենց տոկունությամբ ու քաջագործություններով աչքի են ընկել բոլոր ռազմաճակատներում՝ Կովկասյան ու Կարպատյան լեռներում, Բրեստի ամրոցի պաշտպանության հերոսական էպոպեայում, Օդեսայի և Սևաստոպոլի ծովային ճակատամարտերում, Մոսկվայի մատուցներում, լենինգրադի ու Ստալինգրադի պատերի տակ, Նովոռոսիյսկի մոտ՝ «Մալայա դեմլյա»-ում, Կերչում, Օրլով-Կուրսկի աղեղում, Դնեպրի վրա մղած վիթխարի ճակատամարտերում։ Հիբավի, չի եղել ռազմաճակատ, հերոս-քաղաք, ուր սովետական զորամասերի կազմում եղած չլինեն հայ ռազմիկներ և հրամանատարներ։ Նրանք սրբությամբ էին կատարում զինվորական երդումը, ժողովրդի պատվիրանը՝ անխնա ոչնչացնել գերմանաֆաշիստական զավթիչներին, սովետական հողն ազատագրել ֆաշիստական աղտեղությունից։

Պատերազմի առաջին ծանր ամիսներին հարյուրավոր հայ ռազմիկներ մասնակցեցին Բրեստի ամրոցի պաշտպանությանը, ավելի քան 250 մարտիկներ Ղափանի պղնձարդյունաբերության և կոլտնտեսային դաշտերի նախկին աշխատողներ էին, որոնք զորակոչվել էին 1939—1940 թթ.։ Բրեստի մոտ համառ մարտեր էր մղում Հայաստանում հեղափոխական շարժումների ակտիվ մասնակից, հետագայում Սովետական Միության հերոս, գեներալ Ասքանազ Կարապետյանի ղեկավարած մոտոմեքենայացված գունդը։ 1941 թ. հուլիսին գեներալ Քրիստափոր Ալավերդյանի հրամանատարությամբ գործող զինվորական գտնվում էր Բրեստի ամրոցից հյուսիս-արևմուտք՝ Բուդ գետի ափին։ Վեցօրյա համառ մարտերից հետո զորամասն ընկնում է շրջապատման մեջ։ Խիզախ հրամանատարն ամեն ինչ անում է՝ անհավասար մարտում թշնամու գրոհները ետ շարժելու համար։ Սովետական ժամանակ Ալավերդյանը վիրավորվում է և զիտակցությունը կորցրած գերի ընկնում։ Ֆաշիստական համակենտրոնացման ճամբարներում, մինչև մահ նա արիաբար գիմանում է գետապույականների խոշտանգումներին, ընդհատակյա աշխատանք ծավալում սովետական ռազմազենների շրջանում։

Ռովնոյի մարզում խիզախաբար մարտնչում էին փոխգնդապետ Մուշեղ

Կարապետյանի հրամանատարությամբ գործող հեծյալները: Գեներալ Աշոտ Այաթյանի հրաձգային դիվիզիայի ռազմիկները 1941 թ. հունիսի 22-ին մարտերի մեջ մտան արևմտյան սահմանագլխին, մասնակցեցին Լժովի պաշտպանության համառ մղված ահեղ կռիվներին:

Սովետական Ուկրաինայի և նրա մայրաքաղաք Կիևի պաշտպանների շարքերում աչքի ընկան հայ ժողովրդի բազում զավակներ, այդ թվում՝ գնդապետ Հովհաննես Բաղրամյանը՝ հետագայում Սովետական Միության մարշալ, Սովետական Միության կրկնակի հերոս, գեներալ Միխայիլ Բարսեղովը, կապիտան Մաթևոս Մաղաթյանը, Լևոն Դարբինյանը (հետագայում Սովետական Միության հերոս), ռմբակոծիչների էսկադրիլիայի հրամանատար Պատրիկ Ղազարյանը: Բալթիկայի երկնակամարում անմահ քաջագործություններ էր կատարում կապիտան Նելսոն Ստեփանյանը: Լենինգրադի հերոսական պաշտպանության գործում աչքի ընկնող դեր խաղաց գեներալ Բենիամին Գալստյանը:

Մոսկվայի համար մղած ճակատամարտում աչքի ընկան շատ հայ ժողովրդիներ, այդ թվում՝ պրոֆեսոր Հովհաննես Ալիբեկյանը, գեներալ-լեյտենանտ Միքայել Բարսեղովը, գեներալներ Իվան Վեբլյանը, Ստեփան Գինոսյանը, Սարգիս և Հայկ Մարտիրոսյանները և շատ ուրիշներ:

1941 թ. աշնանը հիտլերականները Մոսկվայի ուղղությամբ կենտրոնացրել էին իրենց զինված ուժերի ավելի քան 40 տոկոսը, տանկերի երեք քառորդը, հրանոթների ու ականանետների կեսը, ինքնաթիռների մեկ երրորդը, ֆաշիստական բանակի ընտիր դիվիզիաները: 1941 թ. նոյեմբերին 239-րդ Սիբիրյան մոտոհրաձգային դիվիզիան՝ Հայկ Մարտիրոսյանի հրամանատարությամբ, Հեռավոր Արևելքից փոխադրվեց Կուլբիշև քաղաքը, նոյեմբերի 7-ին մասնակցեց զորահանդեսին, որն ընդունեցին Կուլբիշև ժամանած ՍՍՀՄ Գերագույն սովետի նախագահության նախագահ Միխայիլ Կալինինը և Սովետական Միության մարշալ Կլիմենտ Վորոշիլովը: Զորահանդեսից հետո խորհրդակցություն անցկացվեց դիվիզիայի հրամանատարական և քաղաքական անձնակազմի հետ, նոյեմբերի 11-ին դիվիզիան փոխադրվեց ռազմաճակատ, Նովո-ժուկովսկ (Ստալինգրադի), ուր դաժան մարտերի մեջ մտավ ֆաշիստական գերակշիռ ուժերի դեմ: Անմահ սխրագործություններ կատարեցին դիվիզիայի քաջարի ռազմիկները՝ հրամանատարներն ու քաղաշխատողները, զինվորները, զենքի բոլոր տեսակի մարտիկները: Նրանք հերոսական էջեր գրեցին Մոսկվայի պաշտպանության, մեծ Հայրենականի պատմության մեջ, փառքով պրոսակեցին իրենց մարտական դրոշմները:

Գերմանական բանակի գեներալ Գուդերիանը հետագայում ստիպված էր իր «Զինվորի հուշերը» գրքում գրել, որ գերմանական զորամասերը չկարողացան դիմանալ Սիբիրյան դիվիզիայի սաստիկ ճնշմանը... գործը հասավ խուճապի, որն ընդգրկեց ռազմաճակատի՝ մինչև Բոգորոդեցկա հասնող հատվածը: Այս խուճապը, որ ռուսական կամպանիայից սկսած առաջին անգամ էր առաջացել, լուրջ նախազգուշացում էր, ցույց տվեց, որ գերմանական հետևակը սպառել էր իր մարտունակությունը և դարձել արդեն մեծ ջանքեր դրսևորելու անընդունակ...

Մոսկվայի հերոսական պաշտպանության ակտիվ մասնակից, տանկային բանակի հրամանատար, գեներալ Դ. Դ. Լելյուշենկոյի հուշագրությունից իմանում ենք, որ դա հենց 239-րդ Սիբիրյան հրաձգային դիվիզիան էր, որը գեներալ Հայկ Մարտիրոսյանի հրամանատարությամբ «այնպիսի հզոր հարված հասցրեց, որ խուճապ ու շփոթություն առաջ բերեց թշնամու շարքերում»: Այսպիսին է մեծահամբավ գեներալ Հայկ Մարտիրոսյանը, որը սովետական զորամասերին մարտերով առաջնորդել է մինչև Բեռլին, պատերազմից հետո շարունակել զինվորական ծառայությունը, եղել 89-րդ հայկական, հրաձգային թամանյան դիվիզիայի հրամանատար: Ներկայումս նա գլխավորում է պատերազմի վետերանների սովետական կոմիտեի Նրևանի սեկցիայի աշխատանքը:

Մեծ Հայրենականի պատմության մեջ անմոռաց էջեր են գրել Սովետական Միության մարշալ, Սովետական Միության կրկնակի հերոս Հովհաննես Բաղրամյանը, ՍՍՀՄ նավատորմի ծովակալ, Սովետական Միության հերոս, ակա-

զեմիկոս Հովհաննես Իսակովը, զրահատանկային զորքերի գլխավոր մարշալ, Սովետական Միության հերոս Համազասպ Բաբաջանյանը, ավիացիայի մարշալ Սերգեյ Խուզակովը (Խանիբերյան), գեներալներ Սարգիս Մարտիրոսյանը, Նվեր Սաֆարյանը, Հայկ Թումանյանը, Իսահակ Գասպարյանը, Սերգեյ Դալաջյանը, Բվան Վերիլյանը, Աշոտ Սարգսյանը, Նիկոլայ Հովհաննիսյանը, գնդապետներ Սիմոն Զաքիյանը, Արտաշես Վասիլյանը և շատ ուրիշներ: Անմահ սխրագործություն են կատարել Սովետական Միության հերոսներ Նելսոն Ստեփանյանը (Կրկնակի հերոս), Սերգեյ Օհանյանը, Սամսոն Մկրտումյանը, Սերգեյ Բուռնադյանը, Ռուբեն Հակոբյանը, Դուկաս Մագոյանը, Աշոտ Դազարյանը, Գեդեոն Միքայելյանը, Գրիգոր Հայրապետյանը, Լիպարիտ Իսրայելյանը և շատ ուրիշներ:

Մեծ Հայրենականի պատմության անմոռաց էջերից է Հարավային ռազմաճակատում, Դոնի Ռոստովի մատույցներում կոմունիստ Սերգեյ Օհանյանի հրետանային մարտկոցի կատարած սխրանքը: Մարտկոցի ռազմիկները 1941-ի նոյեմբերի 17—18-ը ետ շարժեցին ֆաշիստական գրոհները, ոչնչացրին թշնամու 30 տանկ, մեծ քանակությամբ կենդանի ուժ ու տեխնիկա, մինչև մահ ամուր: մնացին իրենց մարտական բնագծերում: Նրանք կասեցրին ֆոն Լվալդ Կլայստի տանկերի արշավանքը, փակեցին Ռոստովի ճանապարհը:

Մեծ Հայրենականում սովետական ռազմիկները մասսայական հերոսություն կատարեցին: Պատերազմի տարիներին Սովետական Միության շքանշաններով պարգևատրվել են ավելի քան յոթ միլիոն մարդ, 11603 ռազմիկներն արժանացել են Սովետական Միության հերոսի բարձր կոչման: Նրանք մեր հայրենիքի ավելի քան 100 ազգերի և ազգությունների ներկայացուցիչներ են: Ոչ լրիվ տղայներով պատերազմին մասնակցել են շուրջ 500 հազար հայ ռազմիկներ, նրանցից շուրջ 80.000-ը պարգևատրվել են կառավարական շքանշաններով և մեդալներով: Հայ և հայաստանցի ռազմիկներից 108-ին շնորհվել է Սովետական Միության հերոսի կոչում, այդ թվում՝ անվահեր օդաչու Նելսոն Ստեփանյանն արժանացել է Կրկնակի հերոսի կոչման, 27-ը՝ Փառքի շքանշանի լրիվ ասպետներ են: Ն. Ստեփանյանը մարտնչել է Օդեսայում, Կիևում, Սևաստոպոլում, Դրիմում, Կովկասում, Լենինգրադում և Մերձբալթիկայում: Պատերազմում նա ոչնչացրել է 27 ինքնաթիռ, 85 տանկ, 13 նավ, 600 ավտոմեքենա, հարյուրավոր թնդանոթներ, գնդացրային կետեր, ֆաշիստական մի քանի հաղար զինվոր ու սպա: Ռազմաճակատի տարբեր հատվածներում սովետական զորքերի մարտական գործողությունները գլխավորում էին շուրջ 70 հայ գեներալներ:

Սովետական ինտերնացիոնալ բանակի կազմում ստեղծված իրադրության շահերի թելադրանքով ստեղծվեցին նաև ազգային զորամասեր: Անդրկովկասյան հանրապետություններում ձևավորվեց ազգային 19 դիվիզիա, որոնցից 12-ը մարտնչել են ռազմաճակատում: Զևավորվեցին 89-րդ 408-րդ, 409-րդ հայկական հրաձգային դիվիզիաները և այլ զորամասեր: Մինչ այդ գործում էր 76-րդ լեռնահրաձգային դիվիզիան, որը պատերազմի առաջին օրերից մարտական առաջադրանք էր կատարում Իրանում, այնուհետև տեղափոխվեց ռազմաճակատ: աչքի ընկավ ստալինգրադյան դուրացնամարտերում: ՍՍՀՄ զինված ուժերի ժողկոմի հրամանով 1942-ի նոյեմբերին այն վերակազմվեց 51-րդ զվարդիսկան դիվիզիայի: Դրիմում է գործել 390-րդ հայկական դիվիզիան, իսկ 261-րդ դիվիզիան, որ ձևավորվել է 1942-ին՝ Սովետական Հայաստանում, պատերազմի ամբողջ ընթացքում աշխուրջ պաշտպանում էր սովետական պետական սահմանը թուրքական ներխուժման վտանգից և թարմ ուժեր էր ուղարկում ռազմաճակատ: Սովետական Հայաստանում գործում էին Նրեանի հրետանային № 17 և ռազմաօդային ուժերի հատուկ դպրոցները, որոնք կադրեր էին պատրաստում ՍՍՀՄ զինված ուժերի համար: Շրջանավարտներից շատերը ռազմաճակատներում աչքի ընկան իրենց սխրանքներով: 1941 թ. դեկտեմբերին գրնդապետ Սիմոն Զաքիյանի հրամանատարությամբ կազմավորվեց 89-րդ հայկական դիվիզիան: Մի քանի օրվա ընթացքում մոբիլիզացվեցին 1500 կոմու-

նիստ և հարյուրավոր կոմերիտականներ, որոնք դարձան նորաստեղծ դիվիզիայի առաջատար ուժը:

Հայկական զորամասերը աչքի ընկնող դեր են խաղացել Կովկասի պաշտպանության, Սովետական Ուկրաինայի ազատագրման, Ղրիմի համար մղած մարտերում: 89-րդ հայկական հրաձգային դիվիզիային Թամանի ազատագրման համար ծավալված կռիվներում ցուցաբերած արիության համար շնորհվել է «Թամանյան» կոչումը, իսկ 409-րդ դիվիզիային Ուկրաինայում մղած մարտերում աչքի ընկնելու համար՝ «Կիրովոգրադյան»: 89-րդ Թամանյան դիվիզիան, գեներալ-մայոր Նվեր Սաֆարյանի հրամանատարությամբ Կովկասյան նախալեններից համառ մարտերով հասել է մինչև Բեռլին: 1945-ի անմոռաց գարնանը շատ ու շատ հայեր, այդ թվում՝ Թամանցիներ, իրենց ինքնագիրն են թողել Ռայխսազգի պատերին: Թամանյան դիվիզիան մասնակցել է Թամանի և Ղրիմի, Վարշավայի և լեհական շատ քաղաքների ազատագրման համար մղած մարտերին, Օդերի գետնցին, Օդերի Ֆրանկֆուրտի դրամանը, Բեռլինի ճակատամարտին: Դիվիզիան երեք անգամ արժանացել է կառավարական բարձր պարգևի՝ Կարմիր դրոշի, Կուտուզովի երկրորդ աստիճանի և Կարմիր աստղի շքանշաններով: Դիվիզիայի քաջարի ռազմիկներից Հունան Ավետիսյանը, Սուրեն Առաքելյանը, Ջահան Կարախանյանը, Խորեն Խաչատրյանը, Միմոն Բաղդասարյանը, Հրանտ Բաբայանը, Վարդգես Ռոստոմյանը, Հարություն Մկրտչյանը, Այդրի Հարությունյանը արժանացել են Սովետական Միության հերոսի կոչման: Պատերազմի ընթացքում Թամանյան դիվիզիան ոչնչացրել է թշնամու ավելի քան 9000 զինվոր ու սպա, խփել ու ոչնչացրել է 148 տանկ ու ինքնագնաց հրանոթ, ավելի քան 300 դաշտային հրանոթ, գերի է վերցրել 11 հազար ֆաշիստական զինվոր ու սպա: Գրավել է ռազմավար՝ 154 տարբեր տրամաչափի հրանոթ, 383 գնդացիր, 5600 հոսանքային և ավտոմատ, 1160 ավտոմեքենա և այլն (Советская Армения в годы Великой Отечественной войны. Ереван, 1975, с. 621): Թամանցիների մարտական դորժողությունները հմտորեն ղեկավարելու, անձնական արիություն ու խիզախություն ցուցաբերելու համար գեներալ Նվեր Սաֆարյանը արժանացավ մեծ փառքի: Հայկական Մատրոսովի՝ Հունան Ավետիսյանի քաջադորժությունները հայտնի են բոլորին: Այդ նա էր, որ 1943 թ. սեպտեմբերին Վերին Բականսկի շրջանում՝ Նովոռոսիյսկի մատույցները փակող Դուգայա լեռան վրա թշնամու գնդացրային հրակնատը փակեց կրճռով, իր վրա ընդունելով մահաբեր գնդակները, ճանապարհ բացելով սովետական հարձակվող զորամասերի համար:

Պատերազմի ընթացքում ավելի քան 270 ռազմիկներ՝ այդ թվում 7 հայեր, կրկնել են Ալեքսանդր Մատրոսովի սխրանքը: Դնեպրի անցմանը, Ուկրաինայի, Բելոռուսիայի և Մերձբալթիկայի ազատագրման համար մղած մարտերում աչքի ընկած ավելի քան 35 հայ ռազմիկներ արժանացել են Սովետական Միության հերոսի կոչման: Նույնց մեջ էին դիվիզիայի հրամանատար, գեներալ Անդրեյ Ղազարյանը, գնդի հրամանատար, գնդապետ Գեղեոն Միքայելյանը: Սովետական Միության հերոսի կոչման են արժանացել Սովետական Հայաստանից քուրդ ժողովրդի զավակ Սամանդ Սիբեանդովը, ռուս Իվան Բոնդարևը, ադրբեջանցի Խրդիր Մուստաֆանը, ասորի Սերգեյ Սարխոշը, հույն Կոնստանտին Խաչիկը:

Պատերազմի ժամանակ մեծ թվով հայ հայրենասերներ արիաբար մարտնչել են Բուդանսկի, Ղրիմի, Լենինգրադի, Ուկրաինայի, Բելոռուսիայի, Հյուսիսային Կովկասի պարտիզանների շարքերում, ընդհատակում: Հայտնի են «երիտասարդ զվարդիայի» հայ մասնակիցների՝ Ժորա Հարությունյանցի, Մայս Պեղլիվանովայի (Մարիամ Փաշևանյանի) քաջագործությունները:

Հայ ժողովրդի զավակները արիաբար կռվել են Ֆրանսիայի, Իտալիայի, Չեխոսլովակիայի, Լեհաստանի, Բալկանյան երկրների դիմադրական շարժման շարքերում, համակենտրոնացման ճամբարների ընդհատակյա կազմակերպություններում: Խիզախության ու տոկունության հրաշալի օրինակ են տվել Ֆրանսիայում՝ կոմունիստ-բանաստեղծ Միսաք Մոնուշյանը, Իտալիայում՝ Միլտիշ Դաշտոյանը, Գևորգ Քոլոզյանը, Չեխոսլովակիայում՝ Արտեմ Պետրոսյանը:

Ռազմաճակատներում իրենց արիությանը աչքի են ընկել հայ կանայք։ Բարի անուն են վաստակել եֆրեյադու Սոնյա Սինոյանը, զենիթային մարտկոցի հեռաշափային ջոկատի հրամանատար Հասմիկ Թամազյանը, կրտսեր լեյտենանտ Արաքսյա Հարությունյանը, սերժանտ Հայկուշ Ավետյանը, բժշկական քույրեր էմմա Հայրապետյանը, Գոհար Նազարյանը, Գոհար Հարությունյանը, Նլիդավետա Հովհաննիսյանը, բժշկական ծառայության լեյտենանտներ Օֆելյա Պետրոսյանը, Սոֆյա և Ռոզա Լալայանները, բժշկական ծառայության մայրու Ռոզա Զանգուտովան և շատ ուրիշներ։

2

Պատերազմի ծանր օրերին Սովետական Հայաստանի աշխատավորները պատվով կատարեցին իրենց հեղափոխական պարտքը մայր Հայրենիքի հանդեպ։ Հայ ժողովուրդը միահամուռ երգվեց բոլոր ումերն ու միջոցները նվիրաբեռել թշնամու ջախջախման համար։ Խաղաղ կյանքն ընդհատվեց։ Հայաստանը միանգամից դարձավ մարտական ճամբար։ Ամենուրեք կատարվում էր մոբիլիզացիա։ Հանրապետությունում ամբողջ աշխատանքը վերակառուցվեց պատերազմի շահերին համապատասխան։ Զուգահեռաբար ստեղծվեցին աշխարհագրորային և կործանիչ գումարտականքներ։ Զենքի տիրապետումը օրվա հրամայականն էր։ Միայն ռազմական ուսուցման մի հերթում ավելի քան 50 հազար մարդ ձևավորվեց անհրաժեշտ ռազմական գիտելիքներ։ 1941 թ. երկրորդ կեսին հանրապետությունում պատրաստվեցին 17000 օդաչու, պարաշյուտիստ, տանկիստ, ռադիստ, 1500 բժշկական քույր, 1000 մոտոցիկլիստ և ավտոմայրուրդ։ Հրացանն ու նոնակը հավասար տեղ գտան մուրճի ու զնդանի կողքին։ Հայաստանը մարտնչում էր։

Հայրենիքի պաշտպանության առաջամարտիկների շարքերում էին կոմունիստները։ 1941—1943 թթ. Հայաստանի կոմկուսը, բացի զինվորական պարտադիր ծառայության ենթականերից, մի քանի անգամ կուսակցական մոբիլիզացիա կատարեց՝ ռազմաճակատ ուղարկելով իր արժանավոր զավակներին։ Կոմունիստներին հետևեցին կոմերիտականները։ Հայաստանի լենինյան կոմերիտությունը՝ հավատարիմ հեղափոխական ավանդույթներին, կարմիր բանակ ուղարկեց ավելի քան 70 հազար անդամ, այդ թվում 20 հազար կամավոր։ Ամենուրեք տիրում էր երկաթյա կարգապահություն, բոցկլտում էր սովետական հայրենասիրության կրակը։ Թիկունքայինների անխոնջ աշխատանքով ստեղծվեց ռազմական ամուր էկոնոմիկա, ադդյունաբերությունը լիովին փոխադրվեց ռազմական ռեյսերի վրա։ Գործարաններն ու ֆաբրիկաները դարձան զինանոց։ Որակական նոր փոփոխություններ կատարվեցին հանրապետության արդյունաբերության մեջ։ Զարգացավ ինժեներատեխնիկական միտքը։ Կառուցվեցին ռազմական տասնյակ օբյեկտներ, հազարավոր կրակակետեր ու հակատանկային փոսեր, խրամատներ ու զետեմփոր ուղիներ։

Նոր ուժով դրսևորվեց Հայաստանի բանվոր դասակարգի հեղափոխական գիտակցությունն ու հայրենասիրությունը։ Այսպես, 1941 թ. հունիսի 22-ին, երբ Երևանի Կիրովի անվան կաուչուկի և Կիրովականի Մյասնիկյանի անվան քիմիական կոմբինատների քիմիագործները, Զերժինսկու անվան մեքենաշինական գործարանի և «Արարատ» տրեստի ու այլ ձեռնարկությունների աշխատողները, երկաթուղայինները փառքով պսակվեցին իրենց։ Կաուչուկի կոմբինատը նվաճեց ՍՍՀՄ պաշտպանության պետական կոմիտեի փոխանցիկ կարմիր դրոշմը։ Յուրաքանչյուր թիկունքայինի նշանաբանը դարձավ օրական երկու-եռեք արտադրական նորմայի կատարումը։ «Հավասարվել ռազմաճակատի զվարդիականներին» լոզունգը հրամանի ուժ ուներ։ Կոմունիստ, մեքենավար Ա. Խաչատրյանն արժանացավ սոցիալիստական աշխատանքի հերոսի բարձր կոչման, իսկ ավագ մեքենավար Գ. Աբաջյանը պարգևատրվեց Լենինի շքանշանով։ Հայաստանը ռազմաճակատին տալիս էր ականանեաներ, ավտոուժերի կորպուսներ, ականներ, ձեռքի և հեղատանկային նոնակներ, պայթուցիկ նյութեր, ռազմական հանդերձանք։ Սովետական Հայաստանի արդյունաբերությունը յուրացրեց և թողարկեց շուրջ 300 տեսակի արտադրանք։ Լենինականի

տեքստիլ կոմբինատն արտադրեց 104 միլիոն մետր գործվածք, որից 62 միլիոն մետրը գինվորական հանդերձանքի համար: Կիրովականը տվեց 81 հազար կիսամուշտակ և բաճկոն: Կարի ձեռնարկությունները կարմիր բանակի կարիքների համար թողարկեցին 5 միլիոն 270 հազար զույգ սպիտակեղեն, 350 հազար կտոր գինվորական համազգեստ, 346 հազար շինել: Կոշիկի ֆաբրիկաները տարեկան արտադրում էին մինչև 800 հազար զույգ կոշիկ:

Պատերազմի ժամանակ աշխատանքային արիության հիասթափ օրինակ տվեցին հանրապետության կոլտնտեսային գյուղի աշխատավորները՝ կոլտնտեսականները, մեքենատրակտորային կայանների ու սովխոզների բանվորներն ու ինժեներատեխնիկական անձնակազմը: Ռազմաճակատ մեկնածների փոխարեն դաշտային աշխատանքի ելան կանայք, պատանիներն ու ծերերը, մահի ու տրակտորի դեկի մոտ կանգնեցին պատանիները: Նրանք քուն ու դադար չունեցին: աշխատում էին հայրերի օրինակով, օգնում ռազմաճակատում հաղթանակի կոփմանը:

Կոլտնտեսային գյուղացիությունը պատերազմի ահեղ օրերին անգամ ընդարձակեց ցանքատարածությունը, բարձրացրեց տեխնիկական կուլտուրաների բերքատվությունը և անասնաբուծության մթերատվությունը: Մրցում էին բոլորը: Հեշտ ու դյուրին չէր նման պայմաններում հանրապետությունը սեփական հացով և սննդամթերքով ապահովելը: Կոլտնտեսային գյուղացիությունը իր քրոնաթոր աշխատանքով հասավ դրան: Պատերազմը մարտական ոգի հաղորդեց բոլորին: Գյուղատնտեսության ավելի քան 500 աշխատողներ սլարգեատրվեցին ՍՍՀՄ շքանշաններով ու մեդալներով: Անասնապահական մթերոքների պլանները հաջող կատարելու համար Հայկական ՍՍՀ-ն նվաճեց պաշտպանության պետական կոմիտեի փոխանցիկ Կարմիր դրոշմ:

Մեծ է թիվունքում աշխատող սովետահայ մտավորականության՝ գիտնականների, գրողների, նկարիչների, արվեստի բնագավառի մյուս գործիչների ավանդը հայրենիքի պաշտպանության գործում: Նրանք իրենց ամբողջ ավելումը՝ ստեղծագործական միտքն ու եռանդը նվիրաբերեցին արտադրության կատարելագործմանն ու ռազմական էկոնոմիկայի զարգացմանը, ռազմաօդային տրակտային, գյուտարարական աշխատանքի ծավալմանը: Աշխարհահռչակ աստղաֆիզիկոս, ակադեմիկոս Վ. Համբարձումյանը հայրենական պիտությունը հայրստացրեց նոր հայտնագործությամբ, ստեղծեց պղտոր միջավայրում լույսի ցրման տեսությունը, որի համար արժանացավ պետական մրցանակի: Այդ գյուտը կիրառական նշանակություն ստացավ երկրի պաշտպանական գործում: Կոսմիկական ճառագայթների հետազոտման ասպարեզում ակնառու հաջողությունների հասան ակադեմիկոս Արիստակես Եղբայրները: 1943 թ. նոյեմբերին հիմք դրվեց Հայկական ՍՍՀ գիտությունների ակադեմիային, որի առաջին պրեզիդենտը դարձավ Հովսեփ Օրբելին: Ակադեմիայի առաջին կազմում կար 23 ակադեմիկոս: 1947 թ. ՀՍՍՀ ԳԱ պրեզիդենտ ընտրվեց Վիկտոր Համբարձումյանը, որը մինչև այդ արդեն ստանձնել էր Բյուրականի նորաստեղծ աստղադիտարանի ղեկավարությունը և մինչև այսօր հանդիսանում է դրանց անփոփոխ ղեկավարը:

Մարտնչող սովետական ժողովրդին և ռազմիկներին հայրենասիրական նոր ստեղծագործություններով ոգեշնչեցին հայ գրողներն ու արվեստագետները: Ավ. Իսահակյանն արժանացավ պետական մրցանակի, Դ. Դեմիրճյանը՝ ստեղծեց «Վարդանանք», իսկ Ստ. Զորյանը՝ «Պապ թագավոր» պատմավեպերը: Իրենց քաղաքացիական կորովաշունչ քնարը նոր ուժով հնչեցրին Ն. Զարյանը, Հ. Շիրազը, Գ. Սարյանը և ուրիշներ:

Պատերազմի տարիներին գրիչը զենքով փոխարինեցին Հրաչյա Քոչարն ու Ռաթով Հուրյանը, Վախթանգ Անանյանն ու Գուրգեն Բոդյանը, Հմայակ Սիրասն ու Գարեգին Սևունցը, Սուրեն Ալվազյանն ու Գարեգին Բեսը և էլի շատ ուրիշ գրողներ ու ժուռնալիստներ: Ռազմաճակատում ծնվեցին Սերո Խանդավյանի ռազմական օրագրություններն ու «Մեր գնդի մարդիկ» վեպը: Պատերազմի բոցերում են ծնվել Համո Սահյանի, Հրաչյա Հովհաննիսյանի, Արսեն Հովհաննիսյանի, Արշալույս Սարգսյանի մարտաշունչ բանաստեղծությունները:

Հայրենական մեծ պատերազմի տարիներին հզոր ուժով դրսևորվեց Մարտիրոս Սարգսյանի նկարչական բարձր արվեստը: Արվեստի ականավոր գործիչներ Վ. Վաղարշյանը, Հր. Ներսիսյանը, Գ. Ջանիբեկյանը, Վ. Աճեմյանը, Հ. Դանիելյանը, Ա. Ավետիսյանը, Ա. Ոսկանյանը, Յ. Ամեռիկյանը, Ա. Գուլակյանը և տասնյակ ուրիշներ պարբերաբար ելույթներ էին ունենում հոսպիտալներում և զորամասերում: Գրողների, նկարիչների և արտիստների խմբերը մեկնում էին ռազմաճակատի առաջավոր գիծ, իրենց արվեստով խանդավառում հալոենիքի պաշտպաններին, ամրապնդում նրանց հավատը հաղթանակի նրկատմամբ:

Մեծ Հայրենականի տարիներին Սովետական Հայաստանի աշխատավորներն ակտիվ մասնակցություն ցուցաբերեցին երկրի պաշտպանության ֆոնդի ստեղծմանը: Հայաստանի թիկունքայինների նյութական միջոցներով կառուցված տանկային շարասյունը՝ «Հայաստանի կոմերիտական» էսկադրիլիան ու «Սովետական Հայաստան» զրահագնացքը ռազմաճակատ մեկնեցին՝ խորհրդանշելով թիկունքի գվարդիականների հայրենանվեր գործերը: Ճակատայիններն անհուն երախտագիտությամբ էին լցված Հայկական ՍՍՀ-ից ստացած նվեր-ծանրոցների, սաք հագուստի, ջերմ ու սրտաբուխ նամակների համար:

Պատերազմը ուղի հանեց սփյուռքահայ առաջադեմ ուժերին, լայն ծավալ ստացավ սփյուռքահայ աշխատավորության հայրենասիրական շարժումը, «Սասունցի Դավիթ», գեներալ Բաղրամյանի անվան տանկային շարասյունների կառուցման համար միջոցների հավաքումը: Սփյուռքահայերի մասնակցությունը հակաֆաշիստական շարժումներին դրսևորվեց գաղափարական և զինված պայքարի, նյութական միջոցների հավաքման և այլ ձևով:

Սովետական Հայաստանի թիկունքի աշխատավորներն իրենց հայրենանվեր գործերով թևավորում էին ռազմաճակատի մարտիկներին: Կովկասի համար մղված հարձակողական մարտերի նախօրյակին հայ ժողովուրդը նամակով դիմեց ռազմաճակատում մարտնչող իր զավակներին և պատվիրեց՝ անողորմաբար ոչնչացնել ֆաշիստական զավթիչներին, շարունակ հիշել՝ ռազմաճակատի որ հատվածում էլ կռվելիս լինեք, կռվում եք հարազատ Հայաստանի գոյության, փրկության, ազատության համար: Նամակը, որ ստորագրել էին ավելի քան 335 հազար մարդ, մեծ ոգևորություն առաջացրեց և նորանոր քաջագործությունների մղեց հայ ռազմիկներին:

Սովետական Հայաստանի թիկունքայինները հոգատարությամբ էին շրջապատում ռազմաճակատում զոհվածների ընտանիքներին, էվակուացիայի ենթարկված անապատան երեխաներին, վիրավոր ռազմիկներին, ծերերին, անօգնականներին: Իսկ երբ կարմիր բանակի հարվածների տակ թշնամին ջախջախվելով ետ էր քաշվում իր որջը, մեկը մյուսի ետևից ազատագրվեցին սովետական քաղաքներն ու գյուղերը, եղբայրական օգնություն ցույց տրվեց ազատագրված շրջաններին՝ շուտափույթ բուժելու պատերազմի հասցրած վերքերը:

Պայքարի ելքը վճռվում էր և՛ ռազմաճակատում, և՛ թիկունքում: Սովետական թիկունքի հաջողությունները, ամենից առաջ՝ ռազմական տնտեսության նվաճումները, հնարավորություն տվեցին չորս տարի շարունակ ռազմաճակատն անխափան ապահովել ռազմական տեխնիկայով, հանդերձանքով և ուլորենով: Պատերազմի բոցերում քայլ առ քայլ նվաճվում էր բաղձալի հաղթանակը, իսկ թիկունքում՝ ամրապնդվում բանվոր դասակարգի և կոլտնտեսային գյուղացիության դաշինքը, սոցիալիստական հասարակարգի քաղաքական, տնտեսական և ռազմական հաջողությունը:

Պատերազմը խիզախության, առիության և մասսայական հերոսության դպրոց էր: Այն ոչ միայն բանակների ճակատամարտ էր, այլև հասարակական երկու տարբեր սիստեմների, երկու գաղափարախոսությունների՝ բուրժուական և կոմունիստական գաղափարախոսությունների բախում: Սերունդները ականածանքով են հիշում և երախտագիտությամբ կփառաբանեն սովետական անասան թիկունքի մարդկանց աշխատանքային սխրանքները:

Հանրապետության աշխատավորները Լենինգրադի, Ստալինգրադի, Օդեսայի և ավերված այլ քաղաքների ու շրջանների վերականգնման ֆոնդին նվիրա-

բերեցին ավելի քան 8 միլիոն ռուբլի, Դոնբասի ձեռնարկություններին ուղարկեցին շուրջ 9500 մեքենաներ, գործիքներ և այլ մասեր:

Սովետական Հայաստանի աշխատավորները՝ հայերը, ռուսները, ադրբեջանցիները, քրդերը և այլ ազգերի ներկայացուցիչները ոչինչ չխնայեցին բաղձալի հաղթանակը արագացնելու համար:

Հայաստանը պատերազմի տարիներին և՛ կառուցում էր, և՛ մարտնչում: Ժողովրդի աշխատանքային խանդավառությունը կազմակերպում, ուս և ուղղություն էր տալիս Հայաստանի կոմունիստական կուսակցությանը:

3

Անհնար է որևէ բանի հետ համեմատել, որևէ չափի ու կշռի տակ դնել այն կորուստները, որ պատերազմը պատճառեց սովետական ժողովրդին: Բայց կորուստներից մեծագույնը երազներով, սիրով, ապագայի տենչերով լի այն բյուրավոր երիտասարդ կյանքերն էին, որ մեկընդմիջ: մարեցին պատերազմի դաժան օրերում: Քաղաքները վերականգնվեցին, մոխիրներից հառնեցին նորաշեն գյուղերն ու ավանները, մարդիկ ազնիվ աշխատանքով նյութական նորանոր բարիքներ ստեղծեցին, բայց կորուստներից մեծագույնը՝ 20 միլիոն սովետական մարդկանց կորուստը, մնաց անհատույց: Պատմական մեծ հաղթանակը ամբողջ աշխարհին համոզիչ կերպով ապացուցեց սովետական պետական ու հասարակական կարգերի, սովետական զինված ուժերի, կոմունիստական գաղափարախոսության կենսունակությունն ու անպարտելիությունը, սոցիալիստական ինտերնացիոնալիզմի ու հայրենասիրության, հումանիզմի, սովետական ժողովրդի բարոյաքաղաքական միասնության հզոր ուժը, կոմունիստական կուսակցության առաջատար դերը, կազմակերպչական մեծ տաղանդը:

Զորս տասնամյակ է անցել մեծ Հայրենական հաղթական ավարտից: Աշխարհում շատ տեղաշարժեր են կատարվել, սոցիալիզմի համաշխարհային սիստեմը նոր, փառավոր հաղթանակներ է տարել: Սովետական ժողովուրդը իր մարտական ավանգարդի՝ կոմունիստական կուսակցության ղեկավարությամբ հզորացրել է մեր հայրենիքի ռազմատնտեսական, քաղաքական պոտենցիալը, հաջողությամբ իրականացվել են հնգամյակները, ամրապնդվել է կոմունիզմի նյութատեխնիկական բազան:

Նստատեղակայված շուրս տասնամյակների ընթացքում լիովին կերպարանափոխվել է Սովետական Հայաստանը՝ ՍՍՀՄ բազմազգ մեծ ընտանիքի իրավահավասար անդամը: Արդյունաբերության, գյուղատնտեսության, մշակույթի զարգացման, հեղափոխական ավանդույթների, ժողովուրդների բարեկամության ամրապնդման և ֆաշիզմի ջախջախման գործում ունեցած մեծ ծառայությունների համար Սովետական Հայաստանը պարգևատրվել է լենինի երեք, Հոկտեմբերյան հեղափոխության և Ժողովուրդների բարեկամության շքանշաններով: Լենինի շքանշանով պարգևատրվել է Նրևանը, իսկ լենինականը՝ Աշխատանքային կարմիր դրոշի շքանշանով: Հայաստանը դարձել է կարմիր դրոշակաիր: Հաջողությամբ կենսագործվում են 11-րդ հնգամյակի հոյակապ ծրագրերը:

Կոմունիստական կուսակցության լենինյան ազգային իմաստուն քաղաքականության մի նոր, վառ դրսևորումն էր կոմունիստական կուսակցության և սովետական կառավարության վերջերս ընդունած որոշումը՝ 1986—1990 թթ. Երևանի քաղաքային տնտեսության հետագա: զարգացման մասին: Դա ծրագրալի մեծ որոշում է, հայ ժողովրդի նկատմամբ հայրական հոգատարության առհավատչալու ի պատասխան այդ որոշման, երևանցիները, ամբողջ հայ ժողովուրդն իրենց անհուն երախտագիտությունն են արտահայտում հարազատ հուսակցությունն ու կառավարությանը, միահամուռ պատրաստակամություն հայտնում աշխատել ավելի եռանդով, անշեղորեն կենսագործել ՍՄԿԿ XXVI համագումարի և Կենտկոմի ետհամագումարյան պլենումների որոշումները, արժանավայել դիմավորել ՍՄԿԿ XXVII համագումարը: